

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. राष्ट्रपति द्रौपदी मुर्मू होरें विकसित भारत जी राम जी बिल गी मंजूरी देई दिती ऐ।
2. उपराज्यपाल ते मुखमंत्रि होरें पैहली-पैहली मालगुडी दे अन्नदाना लेइयै कश्मीर घाटी पुज्जने पर रेलवे गी ममारकबाद दिती ऐ।
3. पल्स पोलियो अभियान तैहत घर-घर जाइयै खुंजी गेदे बच्चें गी पोलियो दी दोआ पलेयाने दा कम्म अज्ज ते कल जारी रौहग।
4. जम्मू प्रांतै च ऐकती मुंजी दी सदा थमां मती खुशखरीद कीती गेई ऐ।
5. डोगरी भाशा दे 8में शैड्यूल च शामिल होने दे चेते च अज्ज डोगरी मानता दिवस मनाया जा'रदा ऐ।

<><><><><><>

Prez. G Ram G

राष्ट्रपति द्रौपदी मुर्मू होरें विकसित भारत-रोजगार ते आजीविका मिशन-ग्रामीण विकसित भारत-जी राम जी बिल, 2025 गी मंजूरी देई दिती ऐ। संसद नै इस्सै शीतकालीन सत्र दौरान पास कीता हा। एह एक्ट ग्रामीण परोआरें आस्तै हर माली ब'रे च वैधानिक मज़दूरी रोज़गार गारंटी गी इक सौ 25 दिन तकर बदान्दा ऐ। ग्रामीण विकास मंत्रालय नै दस्सेआ ऐ जे एह ग्रामीण रोज़गार नीति च बदलाव दी दिशा च इक महत्वपूर्ण गें ऐ। मंत्रालय नै अगगे दस्सेआ जे एह

कानून सशक्तिकरण, समावेशी विकास, विकास पैहलें दे तालमेल ते सारे जरूरतमंद लोकें गी लाह देने गी बढावा दिन्दा ऐ। विकसित भारत- जी राम जी एकट महात्मा गांधी राष्ट्रीय ग्रामीण रोजगार गारंटी एकट -मनरेगा 2005 दी थाहर आन्दा गेआ ऐ।

<><><><><><>

LG-Freight Train

उपराज्यपाल मनोज सिन्हा होरें कल अन्नदाना लेइयै रेलवे दी माल गड्डी दे पैहली बारी कश्मीर घाटी पुज्जने पर भारती रेलवे गी ममारकबाद दिती ऐ। जियां जे पैहले बी खबर दिती जाई चुकी दी ऐ जे कल 1 जहार 384 टन चौल लेइयै कल माल गड्डी घाटी पुज्जी ही। एल.जी होरें इसी इक ऐतिहासिक पल करार दिंदे होई आखेआ जे कश्मीर घाटी तगर माल गड्डी दा पुज्जना इक बड़ा पुराना सुखना हा जेहड़ा सच होई गेआ ऐ ते एहदे नै आम लोकें गी ते बपारिएं कारोबारिएं गी बी मता फैयदा पुज्जोग। उन्नै आखेआ जे इस सुविधा कन्नै जम्मू श्रीनगर राश्ट्री जरनैली शिड़कै पर दबाव बी घट्ट होग ते हर मौसम च 12 महीने सप्लाई जारी रौहने कन्नै ढांचागत परियोजनाएं ते आर्थिक गतिविधिएं राएं उत्थै तरक्की बाद्दे ते खुशहाली बक्खी रफ्तार होर तेज होग। मुख्यमंत्री उमर अब्दुल्ला होरें बी इस ऐतिहासिक मौके पर रेलवे गी मबारकबाद दिंदे होई भविक्ख लेई शुभकामनां दितियां न। एल.जी ते मुख्यमंत्री होरें प्रधानमंत्री नरेंद्र मोदी ते रेल मंत्री अश्विनी वैशणव हुंदा जम्मू-कश्मीर च आर्थिक विकास लेई सहयोग देने लेई आभार प्रगट कीता ऐ।

<><><><><><>

Pulse Polio

पल्स पोलियो अभियान-2026 दे तैहत 5एं बरें तगर दी उम्मी दे बच्चें गी अज्ज ते कल बी घर-घर जाइयै पोलियो शा बचाऽ आली दवाई दि'आं बूदां पलेआइयां जाडन। सेहत मैहकमे दिआं टीमां अज्ज शैही ते ग्रामीण इलाकें च लोकें दे घर जाइयै ओकड़े बच्चें गी एह् बूदां पलेआडन जेहड़े कल तय बूथ पर दवाई पीने थमां खुंजी गे हे। इस अभियान दी असरदार ढंग्गै सिर अमल आवरी लेई बशेश टीमां तैनात कीतिआं गेदियां न। इस सरबंध्यै च होर जानकारी दिंदे होई उधमपुर दे ए.डी.सी प्रेम सिंह होरें आखेआ .

<><><><><><>

Tawi Riverfront

जम्मू च नमें विकसित कीते गेदे तवी रीवरफ्रंट आहली थाहै पर जम्मू नगर निगम ते जम्मू स्मार्ट सिटी आसेआ जंदे रोज इक पैदल जातरा ते आरोग्य बैठक दी मेजबानी कीती गेई। इस मौके पर मुकामी बसनीकें, पैदल जातरा, योग, सैकल चलाने ते तंदरूस्ती गी बढ़ावा देने आहली होरनें गतिविधिएं च हिस्सा लैता। जम्मू नगर निगम दे कमिशनर डाक्टर देवांश यादव होरें इस मौके पर आखेआ जे इस कार्यक्रम ने सबनें उम्मी दे लोकें लेई इक व्यापक थाहै दे तौर पर तवी रीवरफ्रंट दी भूमिका पर लोऽ पाई ऐ। उ'नें आखेआ जे इस थाहै गी होर हरा-भरा बनाने ते सैलसफा मतल्लक विकास जकीनी बनाने दे जतन कीते जा'रदे न।

<><><><><><>

Paddy Jammu

खरीफ आहली मार्किटिंग रूतै दे दरान जम्मू खिते च मुंजी दी खुश-खरीद रिकार्ड स्तरै तगर पुज्जी गेई ऐ जेहड़ी घटोघट्ट समर्थन मुल्ल प्रणाली दी कामयाबी ते राईबाई मैहकमे दे ठोस जत्नें गी दर्शादी ऐ। अजें तगर 4 लक्ख 47 जहार क्विंटल मुंजी दी खुश-खरीद करी लैती गेदी ऐ ते एह आंकड़ा 2021-2022 बरे च कीती गेदी 4 लक्ख 5 जहार क्विंटल मुंजी दी खुश खरीद गी बी पार करी गेदा ऐ। खुश खरीद आहली इस प्रक्रिया दे कन्नै 6 जहार 130 करसानें गी लाह हासल होआ ऐ ते 106 करोड़ 48 लक्ख रपे सिद्धे उन्दे बैंक खातें च मुंतकिल करी दिते गेदे न। खुश-खरीद दी एह प्रक्रिया औंदी 31 दिसंबर तगर जारी रौहग। राईबाई मैहकमे नै आखेआ ऐ जे एह उपलब्धि करसानें दी बधी दी शमूलियत ते घटोघट्ट समर्थन मुल्ल प्रणाली च बधदे भरोसे गी दर्शादी ऐ।

<><><><><><>

Prog. Announcement

आकाशवाणी जम्मू दा क्षेत्रीय समाचार एकांश राश्ट्री करसान दिवस-2025 दे मौके पर 25एं मिनटें दा इक विशेष कार्यक्रम पेश करोग। इस विशेष प्रसारण दा विशेषार होग 'राश्ट्र गी खुराक देने आहले हत्थें गी सलाम'। इस कार्यक्रम दा प्रसारण मंगलवारें कल 23 दिसंबर गी दपैहरी 12 बजे कीता जाहग। इस विशेष प्रसारण च स्हाड़े परौहने होडन कृषि उत्पादन ते करसान कल्याण मैहकमे दे संयुक्त निदेशक श्री संजय आनंद, जेहड़े कार्यक्रम दे विशे पर अपने माहिराना विचार स्हाड़े कन्नै सांझा करडन। कार्यक्रम दी मेजबानी स्हाड़े एंकर विजय बजाज होर करा करदे न। इस चाल्ली दे होर सूचना प्रदान करने आहले प्रसारणें गी तुस आकाशवाणी

समाचार जम्मू दे मीडियम वेव 303 मीटर यानि 990 किलोहर्टज् ते एफ.एम 103 मेगाहर्टज पर सुनी सकदे ओ।

<><><><><><>

Dogri Manta Divas

अज्ज डोगरी मानता दिवस मनाया जा'रदा ऐ। अज्जे दे गै दिन ब'रे 2003 च डोगरी भाशा गी भारती संविधान दी 8मीं सूचि च शामिल कीता गेआ हा। एह् ध्याड़ा डोगरी भाशा बोलने आहलें दी समृद्ध सांस्कृतिक, साहित्यिक ते भाशाई विरासत उप्पर लोs पांदा ऐ। डोगरी भाशा ते परम्पराएं गी बढ़ावा देने लेई अज्ज केई सारे सांस्कृतिक प्रोग्रामें, सेमीनारें ते साहित्यिक कार्यक्रमें दा सरिस्ता कीता जा'रदा ऐ। विद्वानें, कलाकारें ते लखारिएं, भविष्य दिएं पीढ़िएं लेई डोगरी भाशा दे संरक्षण ते इसी बढ़ावा देने दी जरूरतें पर जोर पांदे होई इसी डुग्गर प्रदेश दी पंछान ते विरासत दा सभनें शा अहम हिस्सा करार दिता ऐ। इस सरबंथै च आकाशवाणी समाचार कन्नै गल्ल करदे होई डोगरी दे नामवर साहित्यकार, साहित्य ते डुग्गर मंच दे प्रधान पद्मश्री मोहन सिंह होरें आखेआ .

<><><><><><>

Weather

बड़ी मती ठंडु आहली 40 दिनें दी अवधि-यानि चिल्लें कला कश्मीर च शुरू होई गेआ ऐ ते एहदे शुरू होंदे गै घाटी च बरखा ते उच्चिएं धारें पर बर्फबारी होई ऐ। जम्मू प्रोतें दे उच्चे पहाड़ी इलाकें च बी बरखा ते बर्फबारी होई ते रातीं दे तापमान च बिंद बाददा दर्ज कीता गेआ ऐ। किश्तवाड़ दे पहाड़ी इलाकें सने मेचल माता मंदर आहले इलाकें ते मशहूर सैलानी थाह गुलमर्ग

च बी भारी बर्फबारी दी खबर ऐ। मौसम विभाग नै अगले 24एं घंटें दरान होर मती बरखा ते बर्फबारी दी भविक्खवाणी कीती ऐ। तोआई, जम्मू-श्रीनगर राश्ट्री जरनैली शिड़क एन.एच-44 पर गड़्डिएं दी दौनें बक्खी दा आओजाई बरोबर जारी ऐ।

<><><><><><>